



Орган Лемковского Союза.

Выходит в каждый четверг.

Редакция и администрация в Крыніці. — Адрес „Лемко“ Крыніца.

Пренумерата в краю:
50 грошей місячно,
2,50 зол. полрочно,
5 зл. рочно.

В Америці: 1 дол. полрочно,
2 дол. рочно.

В Чехословакии:
3 кор. місячно, 15 кор. полрочно,
30 кор. рочно.

Кonto чековое № 404.155.

М. Зиндрам - Косцялковский - министер внутренних дел.

ПРОФ. ЮЛИЙ ПОНЯТОВСКИЙ-МИНИСТРОМ РОЛЬНИЦТВА И РЕФОРМ РОЛЬНЫХ.

Ожидану перемену кабинета премьера Козловского переведено дня 26.VI. Опорожнено через трагичну смерть бл. п. мин. Перацкого місце министра внутренних дел обнимат дотеперешный комисар—президент міста Варшавы г-н Марьян Зиндрам-Косцялковский.

Г-н Наконечников -Клюковский, министр рольництва уступил, а на его місце министром рольництва назначено дотеперешного куратора Лицея Кременецкого г-на Ю. Понятовского. Уступили также два вице-министры рольництва инж. Карл Касинский и Вацлав Карвацкий, дальше вице-министер Д-р К. Дух и вице-министер Ник. Доляновский. Вице-министром на місце Д-ра К. Духа назначено В. Ястржембского, а вице-министром скарбу Едварда Вернера.

Министер Наконечников Клюковский має обняти одно с воеводств, а вице-министер Касинский вертат на давне місце в Банку Рольном.

Слідство в ділі убийства

бл. п.

министра Перацкого.

С официальных жерел подают, што слідство в ділі убийства бл. п. министра Перацкого поступае вперед. В распоряженю властей ест дуже материяла, из котрого можна уж тепер определити, с якого осередка походит убийца. Ест надежда, што в недалгом часі слідство буде закончено и лем втотчас можна буде подати подробности. Агентство „Искра“ подае, што на слід убийцы направила шмарена через убийцу бомба.

Поминальное богослужение за душой бл. п. министра Перацкого.

Хотячи почтити память погибшого от роковой кулі министра Перацкого, Заряд заведеня и Магистрат урядили в Крыніці-Здрою, дня 1. липня жалобну академию. В той академии взяли участь также и наши люде с окрестных сел. От имени Лемков высказал Д-р О. Тнатышак бесіду, в котрой в горячих словах выповіл щирый жаль по страті Друга и Опекуна нашего народа.

Во вторник дня 3.VII. отслужено в церкви в Крыніці селі поминальное богослужение и парастас за душу бл. п. министра Перацкого, в котром взяло участь много людей с Крыніці и окрестности.

ЛИТОВСКИ КОНСУЛЬСТВА В ПОЛЬЩІ.

Газеты Латвии, Эстонии и Финландии пишут дуже о визиті полк. Пристора в Ковні и его бесідах с президентом Сметоном и министрами. Газеты тоты пишут о том, што в коретком часі належит ждати установления нормальных отношений медже Польшом и Литвом. В Варшаві буде консульство литовске, а в Ковні-польске. Литовски газеты подают мало відомостей, бо переговоры польско-литовски ведут ся в тайні. В ближайшом часі ждут официального повідомления о результаті переговоров.

АМЕРИКА НА ХОЧЕ ДОГОВОРА С ЯПОНИОМ.

Японский посол в Соединенных Штатах Полночной Америки Сайто зробил предложено американскому правительству о заключеню договора о ненападаню. Америка, як доносят американски газеты, не хоче ани бесідовати о новых договорах с Японием так долго, покая Япония не згодит ся перестерегати давнійши пакты. Сайто со своей стороны переконувал, што Япония не має намереня не признавати давних договоров. Обі стороны приобіцяли собі старати ся утримати добры отношения.

ШТО БУДЕ НА МОРСКОЙ КОНФЕРЕНЦИИ.

Американски газеты естерегают Японию, же С. Штаты не подпишут нового морского

договора, если Япония не згодит ся перше полагодити дакотры политичны sprawy.

По словам тых газет Япония має памятати о том, же Рузвельт не хоче заключити никакого пакту относительно дальновсходних дел без С. С. С. Р. и Китая. Америка не згодит ся подписати який нибуд договор, котрый бы С. С. С. Р. и Китай могли вытолковать так, же Америка одобрят политику Японии. Таксамо Америка не годится розділити контролю над Тихым Океаном с Японием, бо такой поділ был бы кривдом для С. С. С. Р. и Китая.

БОИ В ЗАЛЬЦБУРГУ И ГРАЦУ.

В цілой Австрии начали ся на нове и то с цілом силом террорыстичны выступления австрийских национал-социалистов. В Инсбруку и Милау высадили гидре-электричну станцию. Крім того в Тыролі роблено ище килька покушень. В Грацу продолжают ся начаты бои медже национал-социалистами и жандармами. Такы бои идут также в Зальцбургу.

ГЕРМАНСКИ ГАЗЫ В ПАРИЖІ И ЛОНДОНІ?

В дакотрых английских газетах появила ся неподобна до правды статья знаного английского журналиста Стида. В статі той подае Сид, што в Германии ест тайна организация, котра вяла собі за ціль, выработати докладный план газовой войны не лем с Франциом, але и с Англиом. Авторы того плана приготавливают на олучай войны несподіваний газовой атак на Париж и Лондон где мают найперше уничтожити тоты міста, в котрых населене має скрыти ся перед газами (подземельны каналы и инши).

Сид подае, дальше, же ингантам той организации удало ся уж поробити пробы с газами так в Парижі як и в Лондоні и же тоты пробы переконали німцов, же вшиткы кровевки перед газами могут быти уничтожены в кильках минутах. Таксамо Сид подае, же в Парижі и Лондоні пущено много микробов заразных хворот.

Відомости тоты Стида выкликали в Парижі и в Лондоні велике вражене.

ДЕ НАХОДИТ СЯ ОБОЗ ДЛЯ ОТОСОБНЕННЫХ.

Перший обоз ізоляційний буде містити ся в бывших забудованях монастирских недалеко місточка Береза Картуска. Береза Картуска єст малым місточком числячим 4.500 жителей и єст положена в лісистой, болотнистой околиці на Полісю при желізной дорогі Бресть н. Бугом — Барановичи. Воеводом на Полісю єст полковник Костек-Бернацкий, бывший комендант крѣпости Бресть н. Бугом в часі осажденя там послов Центролева.

Сама Береза Картуска єст містом старым о досить цікавой истории. В 1648 р. основал там канцлер литовский кн. Лев Сапега монастыр О. О. Картузов, обведеный шестьюугольным валом в виді оборонной крѣпости. Вокруг того вала находило ся кильканадцет мурованых будинков. В 1706 р. в монастырі том жил короткый час цар Петр Великий и король пружкый Фридерик Август II. а погедивше король шведкый, Кароль XII. которого войска заняли монастыр. Монастыр закрыто в 1831. и тоты будынки перероблено на войсковы кошары для двох полков піхоты и двох дивизионов артиллерии. За часов польских будынки тоты отновлено и там містила ся школа подхоронжих піхоты. Тепер буде там містити ся перший обоз ізоляційный.

СУДИЯ ДЛЯ ДІЛ ОБОЗА ИЗОЛЯЦИЙНОГО.

С Варшавы доносят, же назначено уж судию для діл обоза ізоляційного. На тоту должность покликано дотеперешного слідчого судию 8-го ревира в Варшаві, г-на Цибульського.

Кырвава революция штурмовых отрядов Гитлеровских.

МИНИСТЕР РЕМ И ВШИТКИ ПРОВОДЫРЫ БОЕВЫХ ОТДІЛОВ ГИТЛЕРОВСКОЙ ПАРТИИ РОСТРІЛЯНЫ. ГЕНЕРАЛ ШЛЕЙХЕР И ЕГО ЖЕНА УБИТЫ.

Дня 30. червня заалармовано цілый світ відомостями с Берлина о доконуючих ся там страшных, а от части и тайных дійствах. Дотепер ввечером довідано ся о том, што случилось ся.

От долгого уж часу правительство Гитлера доставало довірочны информации о том, же в среди боевых отділов творят ся заговоры, стремячи до обаленя теперешного правительства, штобы на его місце утворити новое правительство с Гитлером во главі, але без министров с партий правых. Задачом того правительства было выкликано новой революции и обаленя капиталистичного порядка в Германии.

Канцлер Гитлер довідал ся о тых плянах, поїхал аеропляном до Мюнхена и ту прилапал проводыров заговора на собраню.

Во главі заговора стоял капитан Рем, министр без тены, шеф штаба боевых отділов.

Поза тым брали участь в собраню всі начальники отділов боевых в цілой Германии, а медже нима также ославленный Гейнес.

ВШИТКЫХ АРЕШТОВАНО И НА ПРИКАЗ ГИТЛЕРА РОСТРІЛЯНО.

Выданный комунікат официалный німецкого прасового бюро педає, же Рем и его товариши были в змєві с генералом Шлейхером и одним с заграничных держав,

Коли в присутстві Гитлера рострільовано Рема и его товаришей — в том самом часі старано ся в Берлині арештовати генерала Шлейхера. Шлейхер мал мнимо спротивити ся арештованю и стрілити до полиция и его разом с женом полиция застрілила.

Кромі Рема, Шлейхера и его жены рострільовано Августа Шайдгубера с Мюнхен, Едмунда Гейнеса со Шлеска, Кароля Эрнеста с Берлина, Вильгельма Шмидта з Мюнхен, Ганса Гайна с Саксонии, Ганса Петер-Найдебрека с Поморя и графа Ганса Эрвина Шпрети с Мюнхен.

Газеты подают дальше, же то лем початок бунту, котрый має начати ся в Германии. Тепер, по словам газет, доходит до власти „Рейхсвера“, за ньом крыют ся прускы юнкры, котры хотят привернути родину Гогенцолернов. Тото вшитко може зложити ся на падене самого Гитлера.

Кромі выше вычисленых убитых, правдоподобно рострільовано килькох полициянтов. Также интерновано Папена, а кромі того арештуют каждого дня много людей, медже нима, выбитных политиков.

По выставі виробов льняных в Варшаві.

Ище в р. 1932 на внесене Министра Рольництва и Реформ рольных, Комитет Экономичный выповіл ся рішучо, же одним с найбільше пекучих справ господарчих єст заступлене импортваных (спроваджаных с заграниці) товаров ткацко-прядельных товарами краєвыми, як лен, и коноплі и поручил втотчас поодинокым Министрам

1) штобы выдали поодинокы министерства зарядженя, стремячи до увеличеня закупов через правительство виробов льняных и конопляных, виробленых с товару краєвого с особенным увзлядньенем ткацко-прядельных, домашних виробов.

2) штобы державны банки организовали и поддержали акцию стремячу до полного урухомленя тых промышленных заводов, котры перерабляют лен и коноплі, и котрых стан позволит на самовыстарчаючу продукцию и на поддержане розвитку промысла домашнего, ткацко-прядельного.

Ухвалы Экономичного Комитета в р. 1933 ишли в том напрямі, же вшиткы институции державны, самоуправны, монопольовы и предприятия державны будут куповати для своей потребности лем материалы с краєвого льну и конопель, о сколько тот товар буде отвічати потребам тых институции. Понадто рішено, штобы Монополь Сольный уживал

до опакования материалов с краєвого льну и конопель; дальше рішено рєзєслити, возможность введения літної одєджи льняной в школах, гарцерстві и подготовленю войсковом, а также впровадити виробы льняны для опакования цукру, штучных навозов и вывоженой за границу солонины (беконов) Другы ухвалы дотычили обостреня привоза прядельных товаров с заграниці.

Выконуючи тоты ухвалы вшиткы институции державны почали куповати прядельны товары краєвы. Однак уряды потребуот лем малу часть того, што у нас вырабатся и потребує прядельных товаров и тому то, штобы заохотити широку масу людей до заступня товаров заграничных товарами краєвыми, уряджено в том року в маю выставу льняных виробов в Варшаві. В той выставі взял участь Президент Рчсплтой и вшиткы члены правительства.

Выставу поділено на три головны части:

Перша часть складат ся с ділов: управы льну, виробу волокна, прядельництва, ткацтва, ділу наукового и стоиска Польского Института для рєспознаваня волны. До той части выставки належит также вилєнска хата с прядком и кнапком, котры приїхали на выставу с околиц Вильна.

Друга часть выставки показує нам тєто, што зробило Правительство в заміні уживаных до того часу товаров походженя заграничного на товары краєвы. Діл войсковый той части выставки складатся с образцов материалов льняных на літны мундуры для войска, постель и біле, а также предметы льняны и конопляны, ужываны в таборах, аеропланах, инженерии, єлужбі санитарной и других. В той части видиме также виробы заводовых школ и то ткацкы, корєнкарскы, кравецкы, моднярскы, трикотарскы, галянтерийны, фрызиерскы, интролигаторскы и инши, а также виробы карных заведєнь в Висничу, Ломжи, на св. Кржижу, Фордоні, Седльцах и Вильні. Сут там также мундуры колейовы, пасы, фиранкы, роблены с льну, а также льняны мішки, яких от 1932 р. уживат Сольный Монополь до пакованя соли.

Трєта часть выставки єст репрезентована через ряд институции и фирм, котры демонстрируют свои виробы льняны. Видиме ту щнуры, линвы, сїти рибаккы, упряж, виробы грубы, мішки цукровы, сольны, навозовы, зерняны, плахты и др., а также виробы тонкы як материалы тапицерскы, материи на меблі, стору, фиранкы, ходники, біле столове и постельове, ручники, одєжду женску и мужєску, тенисовы сїтки, материалы декорацийны и артыєгычны.

Выставу тоту уряджено в Варшаві длятого, штобы заохотити рольников до управы льну и міщан до купованя товаров льняных. Має тото для краю и для газдов велике значєне, если возмєся под увагу, же в літах от 1920 до 1933. Польша спровадила с других краєв фабрыкатов и товаров ткацко-прядельных за 5.936 миллионов злотых. Таких самых товаров в том самом часі Польша вывєзла за границу лем за суму 1.748 миллионов злотых. Рїжниця в нашу некористь выносит колєсальну суму 4.188 миллионов злотых.

Наш билас торговельный за остатних 8 літ (1926—1933) выказує скромну надвыжку околє 125 миллионов злотых. Єсли бы мы отже ограничили привоз товаров ткацко-прядельных и поднесли продукцию льну и конопель в краю, то тота надвыжка была бы значно вєкша.

Товары ткацко-прядельны спроваджамє с Америки, до котрой мы высыламє барє мало

наших продуктов. Ограничене адже импорту бавольны американской не може за собом потягнути жадных недорозумін міжнародных. С другой стороны было бы легкомысленно если бы наша промышленность и наши люде отвернули ся от краевых прядильных продуктов втотчас, коли наш хлоп терпит біду и угынатся под тягарем кризиса, втотчас, коли перед нашим экспортом (вывозом) наших товаров рольных замыкают ся ворота цілого світа в виді високого ціа и заказов привоза.

Цілы столітя призывчали нас до власного льну, власной волны и конопель. Лем в ostatnich часах наступил переворот в старых звичаях. Газдове отвернули ся от льну, вабыли о куделі и ткацких варстатах, упала годовля увец и продукция краевой волны.

Платиме допроохотно великий гарач світу за такы товары, котры можеме в краю выпродувати. Дперва кризис пригадал нам, же треба вернути до товаров выпродуваных на нашей землі и нашими руками.

Выстава в Варшаві дае нам доказательство, же правительственны круги интересуют ся живо управом льну, конопель и годовльом овец, и же не бракне купца на прядильны товары. Войско польске буде носило літны мундуры и шапки, біле, торнистры и наплечники со льну, буде спало под льняными цельтами и накрывало ся [коцами с краевой волны. Ляна и конопляна буде упряж на коні, мішки на обрэк, відра а навет вата. Таксамо колей и другы державны институции будут уживати потребных им предметов из льну, конопель и волны. Крім того Правительство выдало отвітны зарядженя, утрудняючи привоз прядильных товаров с чужых краев, удіпят запомогы на высокогатункове насіне, розсылат по краю инструкторов и дае новыи тып снарядов льнярских.

Штобы в наших горах поднести так управу льну и конопель, як и годовлю увец, круги правительствинны начали уж от прошлого року систематичну акцию и так: Лонского року уряджено килька курсов, медже иншими курс білокожництва в Рыхвалді, на котром участники научили ся выправы баранячих скор. В том році, наміряе ся устроити больше таких курсов, а также курсы крою и шитя кожухов для полиции, желізнодорожников и войска. Таким способом не лем ціна скор поднесе ся, але найдут также заробок люде. Рішено также стреміти до поправки, гатунку увец, бо хованы до того часу мают рідку волну. Тоты вшиткы новы введеня мают на цілі поправити добробыт наших сел, тому належит принимати их охотно. Не ждийме чуда, же біда нагло отлетит от нас, але поволи спокойным, але тяглым трудом выганяйме ю сами с наших хат.

Поміщайте оглошеня в газеті „Лемко“.

Кто хце приелужитися нашей газеті нехай зберат оглошеня з міст и сел повітов Леско, Сянок, Кресно, Ясло, Горлиці и Новый Санч.

КРЫНИЦА-ЗДРОЙ:

Пенсионаты вилла „Карпатска“ и Злата Брама“ положены в центрум, коло дептака. Текуча зимна и тепла вода. Веранды. Добра кухня, на требоване диететична. Ціны низкы.

ДЛЯ ГАЗДЫНЬ:

Чищене поваляного біля: Рджавы плямы чиститя, же зарджавлене місце дае ся до кипячого соку с цытрыны. Сок с половини цытрыны заварити в бляшаной ложці, всадити до того соку зарджавлене місце и по хвилі выняти и сполокати в зимной, мягкой воді.

Атрамент чорный и анилиновый: намочити в літнем молоку — погодивше накрепити соком с цытрыны, або оцтом, добре намылити и выпрати.

Плямы от смолы пере ся бензыном, натераючи шматком так долго, покла пляма не счезне.

Живицю переся терпентыном и петом мыдлом.

ТАНІ ТІСТОЧКА (АЛЬБЕРТКЫ).

8 дкг. масла утерти с 27 дкг. цукру. До того всыпуе ся 2 кварта пшениной муки, $\frac{1}{2}$ каковой ложочки соды, $1\frac{1}{2}$ шклянкы квасней сметаны, 3 цілы яйця и кус ванили и выребити тісто не барз густе (як на пероги). Тісто вывалковати, поколоти вилами, выкравати фореком и печи в мірно нагрітом пецу. Сут смачны и дают переховати ся долго.

ЦИБУЛЯ СЕМИЛІТНА.

Лікары поручают часто істя много ярин и овочей. Медже яринами, котры іме суровы, може найздоровша ест цибуля. Она містит в собі сірку, котра ест для организма потребна, а также соли, котры роспуцают квасы мочовы, и ддятого то люды повинны істи дуже цибулі. Добром отміном цибулі ест цибуля семилітна, котру называють также чеснеком плодистым. Управа той цибулі не вымагат жадного клепоту. Сіе ся ю с насіня в липні, а по 4—5 неділ розсаджат ся розсаду на грядку в рядах отдаленых на 10 см. и в отдаленю до 8 см. одну от другой. Грунт мусит быти добре и глубоко знавезеный, и навозу не треба жаловати. До осени вырасте цибуля величины ліскового оріха. На зиму не выберат ся ей, ани не накрыват; она дае цілу зиму зеленыи кризоваец и на весну расте дальше и дорастат величины малого яблока. Смац має значно ліпшыи от звичайной цибулі и расте без заходу стало в загороді, тому належит ю управяти.

Письмо с Америки до Щавинчан.

Дорогы Братя и Сестры.

В американском „Лемку“ вычиталом, же вы будете читальняный дем. Слава вам и честь Дороги Братя и Сестры за то, што вы пробудили ся со сну и взяли ся до работы за просвіту и науку. Слава и честь вам за то, же будете дом просвіты. Чуда, што там сут резменты партии. Тоты смутит мене, бо мы вшиткы діти одной крови, діти одной Матеры Руси и повинны житы в згеді, мирі и любви, в одной партии. Мы выступаме один против другому черев нашу темноту и брак просвіты, в кетрой мы отстали на 100 літ от других народов. Тому взываю вас Дорогы Братя и Сестры села Щавинка и цілой дорогой мі Лемковщины, пошмарте споры религийны, бо и Бог такой молитвы не хоче, як выступате один против другого. Вы будете сварити ся на врах, а другы будут с вас користати. Перестанте вірити и слухати тых патрнотов, што вам обіцяют марстае ве смерти, а сами дбают для себе о выгоду ту на том світі и медже вами ребят пенло; насіяли даст незгоды ту в Америці, в тепер сіют ю у вас. Выжните тых вшиткых епостолов незгоды от себе, а сами погодте ся и совокупленными силами взате ся до просвітительной и господарчой работы. Не рахуйте на никого, бо як сами не будете робити, то никто вам не поможе.

Як получу спадок по родичах, то позвоину жертвую яа вашу читальню, але прошу вас, тримайте ся разом и разом работте, штобы выборыи ліршу дедю, як не для себе, то хец для дітей.

Лист тот прошу дати выдруковати в газеті „Лемко“ в Новем Санчі. Остаю с любовью ку всему Русскому Народу.

ЕКАТЕРИНА ГРАБ,

ОТ РЕДАКЦИИ: Лист тот поміщене без найменших змін. Пребиват с него щиря любовь до родного русского народа и до наших любимых гор, а также несвариваний смуток и жаль до вшиткых тых, котры старают ся внести зерне ненависти и незгоды до наших сел. Тоты борба, тоты ненависть и роздвоисе болит крещу дорогу землячку тым больше, же она виділа тоту вшитко там в Америці, е чом в своем місті диде. Она пережила тоту и віділа плоды той дербы. Не там то, Слава Богу, успокоило ся, там люде прызділи и повіли собі: „преч с партиями, преч с безбож, наше одиноке спасене в єдности, наш ратунок в Лемко-Союзі. Тоты ест наше правдиве — бо мы прежде всего лемкы“. Так повіля и так зребили наши братя в Америці, так также повинны зробяти и мы. Преч с партиями, преч с ненавистью, мы вшиткы лемкы, хцеме ними быти и хцеме, штобы в наших хатах была наша правда. А тоты вшитко найдеме дем в „Лемкомском-Союзі“ в Горлицях.

НА ПРОДАЖ ТИПОГРАФИЯ

БЛИЗШИХ ИНФОРМАЦИИ УДИЛЯТ РЕДАКЦИЯ ГАЗЕТЫ „ЛЕМКО“
В КРЫНИЦІ.

ГЛАДЫШЕВ: Дня 10. червня отбыло ся обще собране членов читальни им. М. Качковского. На том собраню ухвалили одноголосно члены читальни выбудовати власный читальняный деревяный дом и приступити до будовы зараз. Члены zobовязалися дати потребне дерево на будову и робити при будові бесплатно. Многы члены читальни як н. пр. Василь Дзюбина, Антон Федорко и инши привезли уже дерево. Дакотры, як поляк Владислав Домбровский, управитель школы, Ивак Иконяк и другы сложили свои жертвы в грошах. Робота адже, як видно с того, начата, але штобы ю кончити и прийти до впольного руского мастку, треба напружити всі силы, бо кромі самого дерева, потребны также пінязі на дах, гвозді, роботу мулярську и столярську. Тому то Выділ читальни звертат ся с просьбом передовсім до всіх членов Читальни и до вшиткых рускых людей в Гладышові не пожалувати труда и жертв на свое руске діло. Покажме, же у нас помимо давной, бо перед войном начатой агитации украинской, жиє ище русский дух—и што идея руска яко правдива и природна буде жити, розвивати ся и рости в силу. Най буде для нас приміром жертва нашого брата поляка Владислава Домбровского, котрый перший не некупил своего, тяжко заробленого гроша. Нехай не буде медже нами ани одного, котрый бы оттігал ся от сполнения того наредного обовязку. Звертаме ся также до вшиткых рускых лемков, помочи нам в том начатом ділі. Кто, килько може, нехай жертвує, а покажме, же вепольный и згодный труд даст добры результаты.

Украинцы привыкли уж от давна уважати наше село за твердыню украинства. Они пробовали аж и будовати свой дом и звели килька дерев на егомосцьове поле. Але власне тот будова показала, же их твердыня ест слаба, бо по килькох тыжнях люде розобрали дерево, яко свое и продали. Тепер они кпят и сміют ся с нас, але тото наоборот повинно нас захотити до вытырвалой работы. Не отложме рук, не зражайме ся перешкодами, а до осени стане напевно наш власный читальняный дом. В зимі будеме мати где выйти ся, прочитати книжку и газету, будеме мати где забавити ся и дати представлене. Потому всі дружно до работы в добрый час!!
За выділ читальни: Антон Федорко председатель, Іосиф Дзюбина секретар.

ЗАВАДКА РЫМАНОВСКА: В нашем селі начали будовати новый читальняный дом. В зимі того року подпала якаси ворожа рука дом читальняный и он згоріл ку великой радости наших ворогов. Пішили ся они втотчас и радости их не было конца. Коли нераз члены читальни сходилися на спалениско и с жальом смотрили на недопалены дерева—наши ворогы, переходячи коло нас — с наемішком снимали шапки и повідали, же уж поздышут тоты, котры в неділі и свята ходят до читальни. Наибольше радовали ся наши ворогы с Абрамова, бо у нас в самой завадці славу Богу украинцов ніт. Але радость их была недолга — бо они сами тепер ледво дыхают и уж от великого Поста возят або и носят по мірці бардуркы с под Ясла, Едлича и Коросна. Мы тымчасом будеме новый дом, але уж мурованый, жебы не можна было его так легко подпалити. При той роботі однак, — котра здавало бы ся, повинна подобатися вшиткым, бо преця то будова читальняного дома, адже дома науки и просвіти,—дома, в котром будеме могли поглубяти

наши знаня и научитися чокого доброго и пожиточного.—выдає ся нам незрозумілым поведење дакотрых людей. Они, як н. пр. пандяк, отражают ся, же и так вшитко, отже и читальняный дом перейде в их руки. Чом же они в таком разі не помагают нам в будові, а перешкаджают ей, где лем могут. Ци им здаєся, же то так без труда и работы доходит ся до мастку.—Ліпше бы было пане дяку взяти ся за даяку роботу и не ганьбити честных и заслуженых людей, бо уж 4 roky, я ты вернул с той великой науки с Перемышля и місця достати не можеш. Хоц ты и страшиш вшиткых, же их розума навчиш, але сам листа заадресовати не умієш. Сідже собі тихо и воз ся до даякой честной работы, бо тото убраня и черевикы, штосихдеси, знаш як, купил, внет ся зодрут.

Также просиме того цигана с под Дрогобыча — котрый подписує ся в газеті „Наш Лемко“, яко Лемко с под Дуклі, штобы уж раз перестал циганити и брехати. Та чом ты циганиш, же в завадці ест читальня „Просвіта“, кед такой не было и ніт. Преця таке циганство выкрыє ся — и лем наражаш ся на сміх. Сідиш медже нами с ласкы и милосердя, то твоим обовязком ест жити с людми добрі и не чернити их, але противно помагати им в роботі.

Таксамо встыдати повинен ся колега Фецьо, котрый отмавят людей, штобы каменя на чит. дом не возили. Така работа нечестна, особенно для человека, котрый сам давнійше был членом той читальни. Мы люде одного села, сусіды и родина, повинни жити и трудити ся впольно разом в любви и згоді. Лем втотчас будут шановати нас сусіды. Тому то отзывам ся до вас Феці и дякы, дайте покой с вашом, неприносячом вам чести роботом, не ойте незгоды в селі, не ганьбте и не напастуйте людей—але разом с нима—возте ся до работы, а увидите сами, же люде втотчас начнут вас шановати.

Член Читальни.

СМЕРЕКОВЕЦ: Читам газету „Лемко“ и виджу, же ест с наших сел дост дописей, а от нас никто нич не напише, тай мя так деси скортіло, жебы написати дашто и с нашего села.

В нашем селі ест одна читальня им. М. Качковского. Люды сут вшиткы рускы, украинцов ніт, кромі егомосця и его родины. Читальня стоит добре, бо числит понад 100 членов. Має власный дом, где поміщатся, а в том домі ест саля театральна, комната на библиотеку и ище дві комнаты, в котрых можна помістити молочарню або кооперативный склеп.

Одно нам всяди бракує, а то людей, котры бы працювали на той народной ниві. Жебы мы мали тых людей, треба нам селянам старати ся конечно посылати наших дітей до школы и поміщати их в своих рускых бурсах, бо лем бурса може выховати для нас добрых работников. Видиме, же лем тоты, котры были выхованы перед войном в рускых бурсах, трудят ся с нами и для нас а где ест русский интеллигент, там и в селі живе русский дух — где ніт жадного руского интеллигента, там непрошены опекуны вщепяют украинську отрую в рускы жилы и ослабляют одідиченый по наших отцах и дідах русский дух. Они баламутят людей брехнями и выдуманом, ложном историом.

Так то и наш егомосць Шевчук не барз любит правду. Як начал приходити „Наш Лемко“ газета украинска, егомосць захвалял ю дуже, Але як появил ся „Лемко“, правдива

руська газета, то зараз принес ю до церкви и по прочитаню св. Евангелия, почал сіпати ся и выкриковати, же то газета недобра — шматта и же никому не вольно читати такой газеты, лем Зорю, Мету и другы украинскы. Але же Лемкы не такы страхливы, посмотрят, як собом егомосць выторгают, тай си дале газету „Лемко“ читают. Бо мы егомосць уже виділи и таких егомосцев як вы и инших и газету „Лемко“ ище перед войном, як вас егомосць на Лемковщині не было. Мы уж веце пережили, як вы и вы нам разом со вшиткыма украинцами наше не выдрете, ани вашима брехнями нас не перекопате.

Мы не потребуєме, жебы вы нам в церкви о газетах и украинской пресі бесідовали або о том: „як баба с пеца ногы выставила, ци конь ся зареготал“ и с того, жебы вы сміяли ся, же то барз красна байка, бо то егомосць зопсуге молодежи. Мы идеме до церкви по тото, штобы спокійно и побожно выслуhati Службы Божей и щиро помолити ся, а о газетах и приповідках, придте егомосць до читальни, то си побесідуєме. Але вы нашу читальню и вшиткых тых, котры до ней ходят и сміло боронят рускости, обходите здалека. Маме мы русский склеп, але вы купуете все у жида, аж и в великы свята. Наш егомосць, то певно якаси родина с Гершком и Лайом, бо в перший день свят, на сам Великдень, зараз по Службі Божой, сестра егомосцьова ходила с торбом до Герщка. Але лем певно на гостину, як до родины, бо жебы ходила дашто куповати, — то не вірю, жебы в таке велике свято егомосць позволили своей сестрі с Гершком гандльовати. Тото не зробіт жаден селянин, навет тот, што его егомосць назвали большевиком, а уж Гершко в звычайный сабаш напевно до них не зайде в гостину. Адже такий то примір дают нам егомосць Шевчук, таку ширят Христову любов.

Мы селяне жииме по християнскы, ходме до своего склепу, организуєме ся и не ждийме, аж нас кто чужий сорганизує. Заложме свой кооперативный склеп, молочарню, соединяиме ся в „Лемковский Союз“, а втотчас будеме певны, же дождем ся ліпшой будучности.

Мушу ту зазначити, же наша читальня и село процвітає в руском духу — и то ест заслуга нашого интеллигента Г-на Т. Ядловского. Стоиме адже добре, але помимо того не закладаиме рук, а возмєся живійше до народной работы. Дівчата и хлопцы приходте частійше и численнійше до читальни, читайте больше газет и книжок! Най не устає в роботі и заряд читальни, бо ворогы стараются всіма силами ю розбити. Не опийме адже всі — берме ся до работы живо и не даиме сосати ворогам нашу руску кров!!

Член Читальни.

НА ПРОДАЖ:

В Высіві повіт Горлицы продаєся
8 моргов скомасованой землі
в одном кавальци.

Блиszych информации уділят на місци
в Высіві управ. школы Г-н Полошынович
и в Горлицях Д-р Ярослав Сьоцало.
Часть землі надаєся на будовляны парцелі.